


Ne's'sijig Mui'naq





Giju' Mui'n gisgaja'toq egsitpu'gowe.
Mu smtug gismijjulti'gw muta
peltegewei wesamp'teg.
Na gujmug elta'jig ijga' glapis
gisitgiaq ugpeltegeweimuow.



Mu gnegg elta'gwig.



Mui'naq gismaita'titeg na neia'sit
e'pite'ji'j. Gispnet aqq getu'atlasmit.
Metete'get. Mu wen neia'sigw.
Ga'qan apt'sqa's'g.




Na tuo'p'tigtug pishwapegit.
Welapt'g wenji'guom.
Mu gejiagul ta'n wenn wiginnitl.



Gatlin nemiaji ne's'sinniji lapolg
ge'gupinniji patawtigtug.
Newte' wett'g peltegewei.
Na wesamp'teg. Igtig wett'g.
Na wesamitgig.



Gatu ula peltegewei ta'n eteg'p
apje'jit lapol, 'lpa na giasgi'wt'p.
Na siaw jigt'g. Na epa'sit
apje'jgewei mutputi aqq atlasmit.



Mutputi'j sewisg'g. Na ge'gwe'g
toqjua't. Nemitogol ne'sisgl
'mpo'qonn. Wejisma'sitl 'ms't.
Me' welising 'mpo'qonji'jigtug.
Na na'te'l etlinpat.



Ula mui'naq ne's'sijig
pemiapajinmita'jig. Gewisultijig.
Mui'ne'j na negm nenaqe'g.



Peita'jig wiguowaq. Tata't Mui'n teluet,
"Na'tuen gisiugt'tmuj 'ntpeltegeweim."
Giju' Mui'n elg negm teluet, "Ni'newei
elg wettas'g." Gatu ula Mui'ne'j teluet."
'Lpa na'tuen jigtmuisneg
'ntpeltegeweimeg."



A'se'g elta'jig. Mui'ne'j nemitog
ugmutputi'jm sewisge'g. Ewlita'sit.
Muta gesatg'p ugmutputi'jm.



Na ge'gwe'g elta'jig. Tata't Mui'n
nemitoq unpo'qon se's'tesgas'g.
Giju' Mui'n elg negmewei se's'tesgas'g.
Gatu ula Mui'ne'j we'jiatl Ga'tlinal
unpo'qoneg. Nepannitl.

